

## Vorwort.

Wohi(n) ich geh in unserm Lännel  
Zum Beschtrich bis enaus zum Rhei(n),  
Do nemmt mer dabber mich am Bännel:  
„Se, Freind, du scheinscht vun hie zu sei(n)!“

Rää(n) Wunner aa, ich duh halt plaudre —  
Un föhl debei mich erdewohl —  
Ball wie in „Houscht“, ball wie in „Lautre“,  
Wie „in de Neistadt“ alsamol.

Ich häb in Houschter Art geschrewwe,  
Han gschribb in Lautrer Dialekt  
Un bin ach Neistadt trei geblewwe,  
Weil's halt emol so in mer steckt.

Mei(n) Vatter esch se Houscht gebore,  
Mei(n) Mutter in de Neistadt drauß,  
Ich bin in meine Jugendjohre  
Im Lautrer Städtche ei(n) un aus.

Dann war ich zeitig uf de Wanner  
Vun Erwerberg bis nuf uf Schäädt;  
Die Buwe han ich allminanner  
Uf's Korn genumm un aa die Määd;

Han in die Stuwwe un die Herze  
Enei(n) geguckt ball do, ball dort;  
Die Lusche kenn ich un die Schmerze  
Bun jedem Stand an jedem Ort.

Die Rinner anwer, ja, die Rinner,  
Sin iwveral mei(n) liebschte Leit.  
Genunk! Ehr kummen ball dehinner,  
Was so e Wannerschaft bedeit.

Is nötig, Borzelbääm zu schlahe?  
Nää(n), liewe Landsleit, iwverleht:  
Uf pälzisch löst sich alles sahe,  
Was sich in Menscheherze reht.

Nää(n), in kää(n) Bajashoffe schlupp ich,  
Ich han mer's desmol schää(n) gespart;  
Net ruppig is un aa net struppig  
E ehti, deutsch pälzer Art.

Un die zu gewwe un zu zeige  
Als pälzer Kind un pälzer Mann,  
Nor dozu will ich mich versteige;  
Ehr sollen eier Frääd dra(n) han.

Ernst Kiefer.